

CYNNWYS

01 | 06

CYFLWYNIAD

02 | 03

Crynodeb

04 | 05

Ymrwymiadau a gweithgareddau

06

Datblygiadau'r dyfodol

07 | 10

CEFNOGI'R FRENHINES

07 | 08

Y Deyrnas Unedig a thramor

09 | 10

Y Gwasanaethau Arfog

11 | 31

ENTREPRENEUR ELUSENNOL

11 | 12

£109 miliwn at elusennau

12 | 13

Cyfle a menter

14 | 15

Iechyd

16 | 17

Addysg

18 | 19

Busnes cyfrifol

20

Yr amgylchedd naturiol

21

Duchy Originals

22 | 23

Yr amgylchedd adeiledig

24 | 25

Y celfyddydau

26 | 29

HYBU AC AMDDIFFYN

26 | 29

Tynnu sylw at rai materion

30 | 42

INCWM, GWARIANT A STAFF

30

Cyfrif incwm a gwariant

30 | 32

Incwm ac ariannu

32 | 34

Gwariant

34 | 38

Staff

38

Ymweliadau blynyddol

39

Dadansoddiad o'r costau swyddogol yn ôl categori gwariant

40

Cyfrifoldeb Cymdeithasol Corfforaethol

41|42

Portffolios Uwch Reolwyr

CRYNODEB

Mae'r Adolygiad Blynyddol yma ar gyfer y flwyddyn hyd at 31 Mawrth 2005. Gyda'r cyflwyniad yma, mae pedair adran iddo: un yr un ar gyfer tair prif elfen rôl Y Tywysog, gyda'r bedwaredd yn manylu ar y dull o ariannu ei weithgareddau a'i Swyddfa a chyfrifoldebau ei staff uwch.

Er nad oes gan Etifedd Yr Orsedd rôl gyfansoddiadol sefydlog, mae Tywysog Cymru'n ceisio gwneud cymaint ag sy'n bosib i ddefnyddio'i safle i wella pethau yn y Deyrnas Unedig ac yn rhyngwladol. Mae ffordd Ei Uchelder Brenhinol o gyflawni hyn yn amrywio dros amser ac yn ôl yr amgylchiadau ond, mewn termau syml, mae'n bosib ei rhannu'n dair rhan.

Gwneud dyletswyddau brenhinol er mwyn cefnogi'r Frenhines

Mae hyn yn golygu bod y Tywysog yn cefnogi Ei Mawrhydi Y Frenhines yn ei rôl fel canolbwynt balchder, undod a theyrngarwch y genedl. Mae'n dod â phobl o bob rhan o gymdeithas at ei gilydd, ac yn cynrychioli sefydlogrwydd a dilyniant, tynnu sylw at gyflawni, a phwysleisio pwysigrwydd gwasanaeth a'r sector gwirfoddol drwy annog a gosod esiampl.

Gweithio fel entrepreneur elusennol

Ers nifer o flynyddoedd, bu'r Tywysog yn gweithio i geisio adnabod angen elusennol ac i sefydlu a hybu elusennau i gwrdd â'r angen yna. Erbyn heddiw, yr enw ar y grŵp craidd o 16 mudiad yw Elusennau'r Tywysog, ac mae'r grŵp yn cynrychioli menter elusennol fwyaf y DU sy'n cwmpasu nifer o achosion (mae rhestr lawn ar dudalen 52). Y llynedd, fe lwyddodd Ei Uchelder Brenhinol i godi, naill ai'n uniongyrchol neu'n anuniongyrchol, £109 miliwn i gefnogi gwaith yr elusennau yma. Rhyngddyn nhw, mae'r elusennau'n cyflogi 1,400 o bobl, ac mae miloedd o wirfoddolwyr yn cynnig cefnogaeth amhrisiadwy ychwanegol. Mae'r Tywysog hefyd yn gweithredu fel Llywydd neu Noddwr 352 o elusennau eraill.

Hybu ac amddiffyn traddodiadau, rhinweddau a rhagoriaeth y genedl

Mae'r gwaith yn cynnwys cefnogi cymunedau gwledig Prydain, hybu goddefgarwch a dealltwriaeth rhwng gwahanol ffydd a chymunedau, a thynnu sylw at gyflawniadau neu faterion a allai, heb ei gefnogaeth, gael ychydig iawn o sylw. Yn y cyswllt yma, mae Ei Uchelder Brenhinol yn gweithredu'n aml fel catalydd sy'n hyrwyddo trafod neu newid. I wneud hyn, mae'n ysgrifennu llythyrau at Weinidogion y Llywodraeth a phobl ddylanwadol eraill, a'u cwrdd, ac yn areithio ac ysgrifennu erthyglau. Wrth wneud hyn, mae bob amser yn gofalu osgoi dadlau gwleidyddol rhwng partïon. Mae'n cyfathrebu â Gweinidogion fel aelod o'r Cyfrin Gyngor ac yn tynnu sylw at faterion y mae pobl yn eu codi yn ystod ei ymweliadau o gwmpas y wlad.

Yn ystod y flwyddyn, fe gyflawnodd Tywysog Cymru 501 o ymrwymadau swyddogol. Fe aeth i 82 o drefi a 35 o siroedd y DU, ac fe gyflawnodd 103 o ymrwymadau swyddogol tramor. Roedd ei deithiau tramor i'r Eidal, Twrci, Iorddonen, Sri Lanca, Awstralia, Seland Newydd a Ffiji. Ac fe aeth i Sbaen, Ffrainc, Unol Daleithiau'r America, Bosnia, yr Emiraethau Arabaidd Unedig, yr Almaen a'r Iseldiroedd ar ymrwymadau swyddogol i hybu buddiannau'r DU. Yn ystod y flwyddyn, fe gwrddodd Ei Uchelder Brenhinol â miloedd lawer o bobl mewn digwyddiadau swyddogol a chael ei weld gan lawer mwy. Fe dderbyniodd neu fe groesawodd bron 7,400 o ymwelwyr swyddogol i Clarence House, Highgrove, Birkhall a chartrefi brenhinol eraill.

Mae manylion ar wefan Y Tywysog www.princeofwales.gov.uk am ymrwymadau swyddogol, areithiau, erthyglau a llawer o wybodaeth fywgraffyddol a ffeithiol.

INCWM A GWARIANT

Am y flwyddyn hyd at 31 Mawrth

	2005 £000oedd	2004 £000oedd
Incwm o Ddugaeth Cernyw	13,274	11,913
Ariannu drwy Grantiau Cymorth ac adrannau'r Llywodraeth	2,688	4,148
Cyfanswm yr incwm a'r ariannu	15,962	16,061
Gwariant swyddogol	(8,833)	(10,095)
Treth a gwariant personol	(5,226)	(4,406)
Gwariant cyfalaf llai dibrisio, ad-daliadau benthyciad a throsglwyddo i gronfeydd wrth gefn	(1,772)	(1,442)
Gwarged arian net	131	118

Yn 2004-05, fe aeth Y Tywysog i dros 191 o sesiynau briffio a chyfarfodydd ffurfiol, ac fe gafodd dros 47,000 o lythyrau gan y cyhoedd yn bennaf. Ysgrifennodd dros 2,300 o lythyrau'n bersonol, gyda'i Swyddfa'n ysgrifennu dros 18,000 arall ar ran Ei Uchelder Brenhinol.

Nid yw'r ffigurau yma'n adlewyrchu'r holl amser gwaith mae'r Tywysog yn ei dreulio ar ddelio â'r swm enfawr o lythyrau a deunydd darllen arall sy'n dod iddo bob wythnos. Ar ben ei sesiynau briffio a chyfarfodydd swyddogol, mae Ei Uchelder Brenhinol yn treulio llawer o amser yn gweithio gydag aelodau'i Aelwyd, ymddiriedolwyr a chyfarwyddwyr ei elusennau ac eraill wrth reoli'i raglen ac arwain yr holl fentrau y mae'n ymwneud â nhw yn eu blaen.

Yn ystod y flwyddyn, fe ddeliodd ei Swyddfa â thua 40,000 o gwestiynau a cheisiadau am wybodaeth gan gyfryngau'r wlad yma a thramor. Fe draddododd y Tywysog 29 o brif areithiau, ac ysgrifennodd dair erthygl mewn papurau newydd. Fe gofnododd ei wefan www.princeofwales.gov.uk 12.6 miliwn o argraffiadau tudalen, dros ddwywaith cyfanswm y flwyddyn flaenorol. Mae manylion am holl ymrwymiadau swyddogol, areithiau ac erthyglau'r Tywysog i'w cael ar y wefan, a llawer o wybodaeth fywgraffyddol a ffeithiol.

Fe gododd incwm Dugaeth Cernyw o 11% yn 2004-05. I raddau helaeth, fe gafodd yr incwm ei ddefnyddio i helpu i godi'r £109 miliwn a aeth at waith elusennol sydd eisoes wedi'i grybwyll. Roedd y cynnydd o 11% yn adlewyrchu'r ffaith i'r Ddugaeth gael eiddo masnachol yn ystod 2003-04 oedd yn rhoi mwy o elw, ac adolygiadau ar renti eiddo masnachol. Mewn termau real, fe aeth rhent y rhan fwyaf o eiddo amaethyddol i lawr. Aeth arian o Grantiau Cymorth a gwariant swyddogol i lawr yn ystod 2004-05 gan fod costau eithriadol wedi bod yn 2003-04 ar ailwampio Clarence House. Mae gwybodaeth am sut mae'r incwm o Ddugaeth Cernyw'n cael ei wario i'w gweld ar dudalennau 38 i 49.

Er mwyn datblygu'r un mor gyflym â gweithgareddau swyddogol ac elusennol Tywysog Cymru, fe gafodd ei dîm o uwch reolwyr ei gryfhau yn ystod y flwyddyn drwy benodi Meistr yr Aelwyd a Thrysorydd newydd. Fe gafodd Ysgrifennydd Preifat rhan amser ei benodi i helpu i gynghori Tywysog William a Thywysog Harry ar eu gyrfaoedd, eu hymrwymiadau swyddogol a'u gweithgarwch elusennol yn y dyfodol.

Yn olaf, diweddglor flwyddyn oedd cyhoeddi ar 10 Chwefror 2005 fod Tywysog Cymru'n dyweddio â Mrs Camilla Parker Bowles. Bu'r briodas ar 9 Ebrill, diwrnod oedd yn cyfuno seremoni sifil breifat yn y Guildhall Windsor a Gwasanaeth mwy cyhoeddus o Weddi ac Ymgysegriad yng Nghapel San Siôr, Castell Windsor. Fe ddaeth Ei Mawrhydi Y Frenhines, Dug Caeredin, nifer o aelodau'r Teulu Brenhinol a bron 800 o aelodau eraill o'r teulu a ffrindiau i'r gwasanaeth. Diweddglor diwrnod oedd derbyniad yn Ystafelloedd Swyddogol Castell Windsor, gyda'r Frenhines yn llywyddu. Ar ôl yr achlysur, aeth eu Huchelderau Brenhinol i dreulio'u mis mêl yn Birkhall, Royal Deeside, yn yr Alban.

Ymrwymadau a gweithgareddau

Yn 2004-05, fe gyflawnodd Tywysog Cymru gyfanswm o 501 o ymrwymadau swyddogol, a 103 o'r rheini dramor. Ond rhan fach o'r stori yw'r ystadegau moel. Mae'r enghreifftiau o ddiwyddiadau a gweithgareddau sy'n dilyn yn cynnig darlun llawnach o hyd a lled gwaith Ei Uchelder Brenhinol yn ystod y flwyddyn ddiwethaf. Maen nhw wedi'u rhestru'n gronolegol.

Mynd i achlysur coffáu'r 60 mlynedd ers D-Day

Ym Mehefin 2004, fe wylodd y Tywysog bron 500 o filwyr yn parasiwtio i Ranville, Ffrainc fel teyrnged i'w rhagflaenyddion a laniodd yn Normandi fel rhan o oresgyniad y Cynghreiriaid. Fe gwrddodd Ei Uchelder Brenhinol, sy'n Brif Gyrnol Catrawd y Barasiwtwyr, â chyn-filwyr glaniadau D-Day ac fe sefydlodd y Tywysog yr Ardd Gofio Brydeinig yng Nghaen.

Araith mewn cynhadledd ar ofal cancer dan arweiniad Sefydliad Tywysog Cymru er Iechyd Integredig (*The Prince of Wales's Foundation for Integrated Health*) a phedair o brif elusennau iechyd y DU

Mewn cynhadledd ym Mehefin 2004 yn Llundain a gafodd ei threfnu gan y Sefydliad er Iechyd Integredig a phedair elusen y mae'r Tywysog yn eu noddi: Gofal Cancer Marie Curie, Gofal Cancer Macmillan, Mudiad *Breakthrough* er Cancer y Fron a Chanolfan Cymorth Cancer Bryste, fe alwodd y Tywysog ar i fwy o ymchwil gael ei wneud i fanteision therapïau amgen ar gyfer cleifion cancer. Wrth annerch 200 o weithwyr y proffesiynau iechyd, fe anogodd Ei Uchelder Brenhinol y broses o integreiddio dulliau confensiynol ac amgen o drin cancer.

Ymweliad ag ysgol yn Swydd Gaerloyw i hyrwyddo bwyta'n iach i blant a defnyddio ffynonellau lleol o fwyd

Ym Mehefin 2004, fe arweiniodd y Tywysog ymweliad A Wêl a Gred (*Seeing is Believing*) gan grŵp o arweinwyr addysg a phrif weithredwyr awdurdodau lleol ag Ysgol Brimsham Green yn Yate, ger Bryste. Arweiniodd y Tywysog yr ymweliad yn rhinwedd ei waith fel Llywydd Busnes yn y Gymuned (*Business in the Community*), a'i bwrpas oedd tynnu sylw at fanteision defnyddio bwydydd ffres o ansawdd da o ffermydd a chyflenwyr lleol wrth baratoi prydau bwyd ysgol. Naw mis yn ddiweddarach, fe lwyddodd Jamie Oliver i wneud pwysigrwydd gwella bwyd ysgol yn bwnc trafod cenedlaethol yn ei raglen deledu "Jamie's School Dinners".

Derbyniad yn Clarence House i yrwyr tacsis Llundain

Ym mis Gorffennaf 2004, fe gynhaliodd y Tywysog dderbyniad yn Clarence House i yrwyr tacsis Llundain. Cyn y derbyniad, fe aeth Ei Uchelder Brenhinol i un o lochesau'r gyrwyr yn Sgwâr Hanover i gael cwpanaid o de gyda rhai o'r gyrwyr. Fe aeth yn ôl i Clarence House mewn cab gyda John Sheen wrth y llyw. Trefnodd y Tywysog yr ymweliad a'r derbyniad er mwyn talu teyrnged i waith elusennol nifer o yrwyr, ac i ddiolch iddyn nhw am eu cyfraniad at fywyd y Brifddinas.

Agoriad Ffynnon Goffa Diana, Tywysoges Cymru, yn Hyde Park

Ym mis Gorffennaf 2004, fe aeth y Tywysog a'i feibion y Tywysogion William a Harry gyda'i Mawrhydi Y Frenhines, Dug Caeredin ac aelodau o'r teulu Spencer i achlysur agor ffynnon yn Hyde Park, Llundain, i goffáu Diana, Tywysoges Cymru. Mewn heulwen odidog, fe dalodd y Frenhines deyrnged i'r Dywysoges a'r effaith a gafodd hi ar fywydau cymaint o bobl. Ar ôl yr agoriad, fe aeth Ei Uchelder Brenhinol gyda gweddi ei deulu i gwrdd pobl oedd wedi dod i'r achlysur.

Ymweliad â Sabhal Mor Ostaig ar yr Ynys Hir (Skye) i ddathlu diwylliant yr iaith Aeleg yn yr Alban a thramor

Ym mis Medi 2004, siaradodd y Tywysog am ei obeithion o gadw iaith Aeleg yr Alban yn fyw. Yn rhinwedd ei waith fel Noddwr Sabhal Mor Ostaig, roedd yn ymweld ag unig goleg y wlad sy'n bodoli'n unswydd i gefnogi'r iaith Aeleg. Dywedodd Dug Rothesay (sef teitl y Tywysog yn yr Alban) fod yr iaith Aeleg yn cyfoethogi bywyd yr Alban yn sylweddol. Wrth ganmol gwaith y coleg, nododd ei fod yn hanfodol yn y broses o addysgu pobl ar draws y byd am ieithoedd lleiafrifol.

Dathlu pen 10 mlynedd ers sefydlu Rhaglen Busnes a'r Amgylchedd (*Business and the Environment*) y Tywysog yn Neuadd Wledda Whitehall

Wrth agor ei anerchiad i dros 400 o arweinwyr busnesau ac amgylcheddwyr ym mis Medi 2004, pwysleisiodd y Tywysog fod angen i fwy o'r gymuned fusnes fabwysiadu datblygu cynaliadwy. Cyflwynodd Ei Uchelder Brenhinol y Prif Weinidog, Mr Tony Blair, ac aeth yntau ymlaen i rybuddio yn ei araith ar newid yn yr hinsawdd am "drychineb" posib pe na bai llywodraethau o amgylch y byd yn gweithio gyda'i gilydd i dacio problem cynhesu byd-eang.

Dathlu 21 mlynedd o Raglen Fusnes *The Prince's Trust*

Ym mis Tachwedd 2004, fe ddywedodd Ei Uchelder Brenhinol wrth gynhadledd tra'r oedd Canghellor y Trysorlys, Mr Gordon Brown, yn y gynulleidfa, fod Rhaglen Fusnes *The Prince's Trust* wedi ehangu "y tu hwnt i'w ddisgwyliadau eithaf" ers ei sefydlu yn 1983. Yn ystod y 21 mlynedd ers ei sefydlu, fe helpodd y rhaglen dros 60,000 o bobl ifanc i fyd busnes gan greu 100,000 o swyddi newydd.

Mynd i agoriad Canolfan Mileniwm Cymru ym Mae Caerdydd

Ym mis Tachwedd 2004, fe aeth Ei Uchelder Brenhinol gyda'i Mawrhydi Y Frenhines i noson o gerddoriaeth, dawns a barddoniaeth wrth ddathlu agoriad Canolfan newydd Mileniwm Cymru ym mhrifddinas y Dywysogaeth. Wrth adeiladu'r adeilad £106 miliwn, fe gafodd deunyddiau traddodiadol Cymreig fel llechi a thywodfaen eu defnyddio. Tirwedd y wlad a'i threftadaeth ddiwydiannol a diwylliannol oedd ysbrydoliaeth y dyluniad trawiadol.

Ymweliadau â Boscastle, Cernyw, i gynnig cefnogaeth i'r pentref ar ôl i lifogydd ei ddfrodi yn Awst 2004

Ym mis Chwefror 2005, fe aeth y Tywysog am yr ail dro i bentref Boscastle yng Nghernyw i weld gwaith atgyweirio'r difrod a achosodd y llifogydd ar ôl y stormydd a sgubodd drwy'r gymuned yn ystod haf 2004. Bu ar daith o gwmpas Boscastle ddyddiau ar ôl llifogydd fis Awst i gynnig ei gefnogaeth i ddiodefwyr ac i ddiolch i'r gwasanaethau argyfwng am arbed gymaint o fywydau

Ymweliad â Batticaloa yn Sri Lanca i weld effeithiau trychineb y tsunami

Ym mis Chwefror 2005, fe aeth y Tywysog ar ymweliad byr â Sri Lanca ar ei ffordd i Awstralia ar ran gyntaf taith dramor yr Hydref. Fe welodd drosto'i hun y difrod mawr a achosodd tsunami Gŵyl San Steffan. Yn ystod ei ymweliad, fe gwrrdodd Ei Uchelder Brenhinol â gwirfoddolwyr y *Red Cross* oedd yno i helpu gyda'r gwaith clirio. Siaradodd hefyd â physgotwyr lleol ardal Batticaloa i ddysgu sut roedden nhw'n ceisio ailadeiladu'u cymunedau yn sgil y tsunami. Cafodd y Tywysog wybod hefyd am y gwaith oedd yn cael ei wneud i helpu i adfer yr economi lleol. Ar ôl y trychineb, fe gollodd o leiaf 400,000 o bobl eu gwaith, yn bennaf yn y diwydiant pysgota ac mewn amaethyddiaeth a thwristiaeth.

Ymweliad ag unig gytref fridio'r albatros ar dir mawr y byd

Ym mis Mawrth 2005, fe aeth Ei Uchelder Brenhinol i ymweld â chytref fridio'r albatros yn ystod ei daith i Seland Newydd. Byth ers iddo weld albatrosod yn hedfan ochr yn ochr â'i long yn ystod ei gyfnod yn y Llynges, mae'r adar mawreddog yma wedi hudo'r Tywysog. Gan fod perygl nawr i sawl rhywogaeth ddiflannu oherwydd dulliau diwydiannol o bysgota, fe fu'n ymgyrchu i warchod yr albatrosod rhag cael eu lladd yn ddianghenraid. Yn ystod ei ymweliad, fe draddododd y Tywysog araith a gafodd lawer o sylw, gan ddisgrifio cyflwr yr aderyn.

DATBLYGIADAU'R DYFODOL

Tywysog Cymru

Yn ystod y flwyddyn sydd i ddod, bydd Ei Uchelder Brenhinol yn para i weithio ar nifer o faterion allweddol. Bydd yn canolbwyntio'n arbennig ar yr amgylchedd, y Lluoedd Arfog (yn arbennig o ran dathlu pen 60 mlynedd ers Dydd VE/VJ), y Gymanwlad, materion gwledig ac amaethyddol, iechyd integredig ac adfywio trefi, yn cynnwys cadw ac aildefnyddio treftadaeth adeiledig y genedl. Bydd Duges Cernyw yn cefnogi gwaith Ei Uchelder Brenhinol, gan fynd gydag e ar nifer o'i deithiau a'i ymweliadau, gartref a thramor. Fe fydd hi hefyd yn cyflawni'i hymrwymiaidau'i hun yn cynnwys cefnogi elusennau fel y Gymdeithas Genedlaethol er Osteoporosis y mae hi'n gweithredu fel ei Llywydd.

Rheoli

Yn ystod y flwyddyn ddiwethaf, daeth y broses o aildefnu a chryfhau Swyddfa Tywysog Cymru bron iawn i ben. Gyda datblygiad y Swyddfa Elusennau'n dal i fynd yn ei flaen, mae rhagor o staff wedi cael eu cyflogi i helpu i gefnogi gweithgareddau swyddogol Ei Uchelder Brenhinol, yn cynnwys Meistr yr Aelwyd, Trysorydd newydd ac Ysgrifennydd Preifat rhan amser ar gyfer y Tywysogion William a Harry. Yn ystod 2005-06, fe gafodd Ysgrifennydd Preifat Cynorthwyol llawn amser ei benodi ar gyfer Duges Cernyw, a Chynorthwydd Arbennig i'r Ysgrifennydd Preifat i fod â gofal arbennig o ddydd i ddydd dros y Gymanwlad ac amrywiaeth ethnig. Bydd rhagor o waith yn cael ei wneud yn ystod y flwyddyn yma hefyd i ddiweddarau systemau technoleg gwybodaeth y Swyddfa. Bydd adolygiad yn cael ei wneud o weithgarwch ym maes cyfrifol cymdeithasol corfforaethol yr Aelwyd (yn cynnwys y defnydd o ynni), ac mae astudiaeth ar waith

sydd â'r nod o wneud rhagor o welliannau i bolisiau a dulliau gweithredu ym maes personél.

Elusennau

Dros y flwyddyn ddiwethaf, fe gafodd y grŵp sy'n cynnwys 16 mudiad elusennol craidd Ei Uchelder Brenhinol enw penodol – Elusennau'r Tywysog (*The Prince's Charities*). Datblygodd y Swyddfa Elusennau bolisiau a dulliau gweithredu newydd ar gyfer y grŵp mewn meysydd allweddol fel rheoli corfforaethol, codi arian, cynllunio a chyfathrebu. Blaenoriaethau 2005-06 fydd:

- gweithredu'r polisiau a'r dulliau gweithredu yma
- parhau i helpu'r elusennau wrth benodi staff allweddol (yn cynnwys ymddiriedolwyr) a datblygu strategaeth ar gyfer y tymor hiraf
- datblygu mentrau elusennol newydd fel Menter y Tywysog yn India (*The Prince's Initiative in India*)
- helpu i arwain mentrau presennol yn eu blaen, e.e. yr Ysgol Haf Addysg (*Education Summer School*).

Cyfathrebu

Ar ôl penodi trydydd Swyddog y Wasg y llynedd, mae'r tîm Cyfathrebu wedi tyfu i naw aelod. Canolbwynt 2005-06 unwaith eto fydd:

- esbonio gwaith Tywysog Cymru drwy wneud mwy o ddefnydd o'r cyfryngau darlledu
- gwneud mwy o waith gyda chylchgronau a phapurau newydd lleol
- datblygu'r cyfryngau mewnol fel yr Adolygiad yma a'r wefan swyddogol www.princeofwales.gov.uk.

Mae Swyddfa'r Wasg yn dal i fod wedi'i hymrwymo i fabwysiadu dull agored a theg o ran ei chysylltiadau â'r cyfryngau, ac i drin pob ymholiad yn brydlon ac mewn ffordd broffesiynol